

Comitato per la fondazione di un Partito Nazionale Veneto



Comunicato stampa

Bociatura dela Comision storega sul plebisito trufa: i patrioti veneti, se ghe ne xe, i łase el goerno regional

Ła contromosa taliana sula comision storega che gà portà ała so bociatura da parte del masimo rapresentante dela Casta Veneta Giancarlo Galan, xe sintomo dela mancansa de comuni intenti al'interno dela magioransa in xonta regional. I patrioti veneti gà da desiderar se restar s-ciavi dei taliani o afondar un goerno regional anti-veneto.

Trevixo, lì 29 de disenbre 2007 *more Veneto*

El Partito Nasionale Veneto condana duramente łe parole biforcute de bociatura dela comision storega regionale sul Plebisito Trufa del 1866, pronunciae dal'ex venditor de publisità de Berlusconi, chel **Giancarlo Galan** xa sottosegretario ale atività produtive in quota al partito liberale talian nel 1984, el steso odioxo partito risorgimentalista da do de briscoła par sento, ma de gran spesor tangentaro, dato che'l gavea come *leader* Francesco De Lorenzo e Renato Altissimo, tra i masimi esponenti dele roberie taliane vegnue fora co tangentopoli.

El Partito Nasionale Veneto nol dexmentega anca che xa al tempo sto tristo personajo el gera *compagno* de partito e de marendin de chel **Fabio Gava** che deso xe a so volta asesor regionale e chel xe inegnà nel darghe aria ała campagna eletorale pal 2010 grazie a politiche de spexa piovega a favor dei "grandi eletori", ma pagae coe tasche de tuti i veneti. L'exempio masimo proprio de sti di xe el tentativo de sto qua de salvar łà falimentare compagnia aerea **Alpi Eagles**, esempio grande de gestion diletantesca in salsa forsaleghista e che se merita solo che de sparir dal marcà.

Sta matrice *compagna* de na clase dirigente veneta bona da gnente se no de spendar masa e mal i nostri schei, dimostra łà so inadeguatesa a portar vanti łà Cauxa Veneta pa conto nostro.

Xe anca da dir che chi che deso apogia politicamente sto traditor dela nostra identità, ghe ne condivide l'asion in tute łe so componenti e **merita de esar considerà a pieno titolo parte de na Casta Veneta** che dovemo tirar xo dale spexe.

Pa sto motivo, el PNV lancia un apelo ai politici veneti che se sente patrioti **parché i abandone na magioransa regionale** antiveneta che ne vol s-ciavi e ignoranti dela nostra storia grande, dela nostra cultura che se fa vanto nei mejo muxei in volta pal mondo e nol vol che parlemo łà nostra łengoa.

Dal canto suo, el PNV se inpegna pa łà creasion de na nova clase dirigente veneta che spedisca al pì presto a lavorar sti mantegnui de politici boni da gnente se non de spendar mal i nostri schei e ciaparse stipendi senza far gnente de bon par n'altri veneti.

Gianluca Busato

*Comitato per la fondazione del
Partito Nazionale Veneto*

Web: www.pnveneto.org

E-mail: info@pnveneto.org

**Comitato per la fondazione di un
Partito Nazionale Veneto**
via Canizzano, 126/E Treviso
Web: www.pnveneto.org
E-mail: info@pnveneto.org